

شالح بن هذلان

شالح بن هذلان امير الخنافة من قحطان، اشتهر بالشجاعة الفائقة عمرا طويلا، ومني بفاجعة قتل اخيه الفديع ثم بابنه ذئب وكل واحد منها يضرب به المثل في البطولة النادرة وشاع صيتها في انحاء الجزيرة ومع كل القبائل وبعد فقدهما رثاء كل واحد منها على حده، ونورد البعض من قصائده:

إن كان تنشد يا الهويدي عن الطير
الطير والله يا الهويدي غدالي

طيري عذاب معسكرات المسامر
إن حل عند قطين الجفالي

إن جا نهار فيه شر بلا خير
وغدا هن عند الطريح اجتوالي

إن دبرن خيل وخيل مناخير
وغدن مثل مخزمات الجمالي

على الرمك صيده عيال مناخير
وشره على نشر الحريب الموالي

يضحك ليا صكت عليه الطواير
طير السعد قلبه من الخوف خالي

خيالننا وإن عرجدن المظاهر
وزيزوم عيرات طواها الحياتي

غيث لنا وان جت ليا المعاسير
وبالشح ريف للضوء الهزالي



ومن رثاء شالح بن هذلان لابنه ذيب :

ياربعنا يا اللي على الفطر الشيب
عز الله إنه ضاع منكم وداعه

رحتوا على الطوعات مثل العيايب
وجيتوا وخليتوا لقلبي بضاعه

خليتوا النادر بدار الاجانيب
وضاقت بي الافاق عقب إتساعه

تكدرن لي صافيات المشاريب
وبالعون شفت الذل عقب الشجاعة

ياذيب أنا بوصيك لاتاكل الذيب
كم ليلة عشاك عقب المجاعه

كم ليلة عشاك حرش العراقيب
وكم شيخ قوم كزته لك إذراعاه

كفه إبعدوانه شنيع المضاريب
ويسقي عدوه بالوغى سم ساعه

ويضحك إلي صكت عليه المغاليب
ويلكد على جمع العدو باندفاعه


وبيته لجيرانه إشيّد على الطيب
وللضيف يبني في طويل الرفاعه

جرحي عطيب ولابقالي مقاضيب
وافخت حبل الوصل عقب إنقطاعه

كني بعد فقدّه إجمامي اللواهيّب
وكني غريب الدار مالي جماعه

من عقب ذيب الخيل عرج مهاليّب
ياهل الرمك ماعاد فيهن إطماعه

قالوا تطيب وقلت وشلون أبا طيب
وطلبت من عند الكريم الشفاعة



من مراثى ابن هذلان لابنه ذيب : وهو حي لمعرفة واقتناعه بانتهاء امره :

ماذكر به حي بكى حي يا ذيب
واليوم أنا بابك لو كنت حيّاً

ويا ذيب يبكونك هل الفطر الشيب
إن لايعتهم مثل خيل المحيا

وتبكيك قطعان عليها الكواليب
وشيال حمل اللي يبون الكفيا

وتبكيك وضح علقوها دبديب
إن رددت من يمة الخوف عيّا

ويبكيك من صكت عليه المغاليب
إن صاح باعلى الصوت ياهل الحميا!

ننزل بك الحزم المطرف لياهيـب
إن رددوهن ناقلين العصيا

انا اشهد إنك بيننا منقع الطيب
والطيب عسر مطلبيه ما تهما